



Sakspapir

Sakshandsamar:	<i>Frode Hervik</i>		
Arkivsaknr.:	14/399	Klassering:	

Vidare breibandsutbygging - Rammer for søknad

Vedlegg:

Kart_Felt_Bergsvik-Lerøy
Kart_Felt_Hopland
Kart_felt_Kjelstraumen-Utkilen-Synnevågen
Kart_Felt_Rebnor-Øksnes
Innspel til høyring - utbygging av breiband til husa på Bakka
Innspel til høyring om utbygging av breiband - Bakka
Innspel til høyring om utbygging av breiband - Vikane
Innspel til høyring om utbygging av breiband - Rebnord og Øksnes
Innspel til høyring om utbygging av breiband på Årås - Leikvoll - Solen
Høyringsuttale utbygging av breiband
Ynskje om fiber/ breiband til Austrheimsvegen 1444, 1464 og 1474
Breiband til Søre Njøten
Utbygging av breiband i Kvalvågen
Ny_Felt_Leikvoll_Solend_Førland

Rådmannen sitt framlegg til tilråding/vedtak:

Det vert søkt Post- og teletilsynet om tilskot til vidare breibandsutbygging i tråd med saksframlegget.

Saksopplysningar:

Bakgrunn

Austrheim sette i 2013 i gong eit prosjekt med utbygging av breiband med høg hastigheit basert på fiber, og fekk tilsegn om 1,6 mill. i tilskot frå Hordaland fylkeskommune som fordelte midlar til dette. Austrheim kommune har hatt utbygging ute på anbod, og har inngått avtale med BKK om utbygginga. Dette resulterer i utbygging av breiband basert på fiber til følgjande område i år:

- Kaland
- Fonnes, inkludert Fonnesstraumen
- Kvalvågen
- Sætre
- Mastrevik
- Årås

Totalt 705 husstandar og bedrifter får tilbod om tilkopling.

I 2014 er tilskotsordninga lagt om ved at det er Post- og teletilsynet som forvaltar midlane. I år er det også krav om at kommunar som søker tilskot skal offentliggjere informasjon om kva geografisk område den planlagde utbygginga gjeld, med høringsfrist på minst ein måned. Dette gjer tidsaspektet svært trøgt tatt i betraktning av at tilskotsordninga vart utlyst 28.03. Dette gir lite tid til kommunane for å førebu søknad, forankre politisk og ha høringsperiode. Post- og teletilsynet opererer med følgjande tildelingskriterier og vektlegging av desse:

1. Antall husstander som får et tilbod om bredbånd med grunnleggende god kvalitet
2. Kostnadseffektiv nettutbygging i det enkelte prosjekt
3. Lokal medfinansiering
4. Plan for bærekraftig drift etter at utbyggingen er gjennomført
5. Bedring av eksisterende bredbåndstilbud
6. Betydning for lokal samfunnsutvikling, verdiskaping og attraktivitet for innbyggere næringsliv og besøkende

Vektlegging	av	Evalueringskriterium	Vurderingselementer	Vekting
kriterier	Nr			
	1	Antall husstander som får et tilbod om bredbånd med grunnleggende god kvalitet	- Antall nye aksesser og relativ økning av dekning	25%
	2	Kostnadseffektiv nettutbygging i det enkelte prosjekt	- Best mulig utnyttelse av tilgjengelige midler - Investeringskostnad per aksess - Tilgang til eksisterende infrastruktur som grøfter, stolper, punkt etc.	20%
	3	Lokal medfinansiering	- Lokal medfinansiering, sett ift. antall aktuelle brukere/kunder - Grad av egeninnsats	10%
	4	Plan for bærekraftig drift etter at utbyggingen er gjennomført	- Sannsynlighet for at bredbåndstilbudet kan opprettholdes og videreutvikles	15%

5	Bedring av eksisterende bredbåndstilbud	- <i>Antall aksesser som får økt kapasitet og hvor stor kapasitetsøkningen er</i>	15%
6	Betydning for lokal samfunnsutvikling, verdiskaping og attraktivitet for innbyggere, næringsliv og besøkende	- <i>Samfunnsgevinsten som utløses av bredbåndsutbyggingen</i> - <i>Konkrete eksempler på betydning for lokalt næringsliv etc.</i> - <i>Bedring i mobildekningen</i>	15%

Vurdering

Austrheim kommune si arbeidsgruppe, som består av Rolf Raknes (planavdelinga), Hilde Hardang (teknisk) og Frode Hervik (Prosjektleder utvikling), har gått igjennom kartdata og vurdert kva for område det vil vere hensiktsmessig å byggje vidare ut. Resultatet av denne gjennomgangen er at det vert søkt om tilskot til utbygging av fiberbasert breiband til følgjande område:

- Kilstraumen, Utkilen og Synnevågen.
- Leikvoll-Solend.
- Hopland.
- Bergsvik-Lerøy.
- Rebnor-Øksnes.

Basert på førre utbyggingsrunde vil pris for utbygging av desse områda liggje på om lag 2. mill. kr. Dette er eit grovt estimat, fordi ein ikkje har full oversikt over kva utfordringar ein utbyggar vil stå overfor i desse områda. Ein tek sikte på også å nytte deler av fondsmidlane som vart sett av til breibandsutbygging, noko som vil verte vektlagt av Post- og teletilsynet.

I høyringsrunden kom det inn følgjande innspel:

- Yngve Kaarstad, Vibeke Kaarstad, Rikke Hope, Kjell Hope og Torill Heldal Hansen ynskjer breiband til Austrheimsvegen 1444, 1464 og 1474 på Førland. Kommentar: Desse tre husa fell utanfor området Leikvoll-Solend som har med deler av Førland. Dersom desse tre husa skal med i fiberutbygginga, bør dei med no. Det vert derfor tilrådd å utvide området med desse tre husa.
- Annette Brügger har ynskje om breiband til Søre Njøten og ynskjer at området vert lagt til utbygginga av Leikvoll-Solend. Det vert vist til mange nye hus i området. Kommentar: Det vert tilrådd å behalde Njøten som opsjonsområde, fordi området kanskje vert for kostbart å byggje ut i denne omgang. Leikvoll-Solend er allereie eit stort område for utbygging, og ein bør operere med ein viss fleksibilitet for utbyggjar til å gjere vurderingar og finne gode løysingar.
- Thoralf Paulsen og Trond Friborg har levert inn separate høyringsfråsegner med same innhald. Dei ynskjer at nordre Kvalvågen som fell utanfor utbygginga i år også skal få fiber, og

viser til bustadutbygging i området. Kommentar: Då BKK vurderte opsjonsområdet i pågåande utbygging av fiber, tok dei utgangspunkt i eksisterande hus. Nordre Kvalvågen vert meir attraktivt å byggje ut når husa er kome opp. Det bør leggjast trekkør for fiber, slik at det vert lettast og billigast mogleg å strekke fiber ut. I denne omgang vert det tilrådd at nordre Kvalvågen vert opsjonsområde.

- Kjetil Haugland har ynskje om breiband til Vikane, og viser til at området ikkje kom med i Mastrevikane som vert bygd ut i år, og heller ikkje med i områda i høyringsgrunnlaget. Kommentar: Vikane fell midt mellom utbygginga i Mastrevik og området Leikvoll Solend. Det vert tilrådd å ta Vikane med som opsjonsområde til Leikvoll-Solend.
- Sætre Automasjon AS og Nora Hansen har i to separate høyringsfråsegner ynskje om breiband til Bakkavegen 311. Sætre Automasjon understrekar deira behov som næringsdrivande. Kommentar: Verksemda og huset er med i opsjonsområde Bakka. Det vert ikkje tilrådd å utvide utbyggingsområdet Kilstraumen-Synnevågen, fordi dette området då kan framstå som for stort.
- Drø-Vel ynskjer å sjå vassleidningen til Rebnor og Øksnes i samanheng med breibandsutbygginga. Dette er vurdert, men utbygginga av vassleidningen er kome for langt. Arbeidet har vore ute på anbod og er under bygging, og det er no for seint å gjere så omfattande endringar. Samstundes er det ikkje sikkert at det hadde vore ei god løysing å leggje fiberkabel i sjø saman med vassleidningen pga at det då hadde vore meir komplisert å reparere eventuelle feil. Når private i dette området grev grøft for vassleidning inn til husa sine, vil det vere ei føremon om dei samstundes legg trekkør for fiber. Då vil dei sleppe luftspenn til husa sine eller alternativt ny grøftekostnad. Ved ny gjennomgang av området vert det tilrådd å leggje Dyrnes til som eit opsjonsområde.
- Helge Dyrkolbotn understrekar at det er viktig at Leikvoll-Solend området får høg prioritet. Kommentar: Området er prioritert som utbyggingsområde for fiber. Dersom ein må prioritere mellom dei områda ein søker tilskot til, kan ein måtte prioritere mellom desse. Høyringsfråsegna følgjer saka.

I sjølve anbodsrunnen vil ein gjere som sist ved å leggje opp til opsjonsområde for å prøve å få best mogleg dekning for pengane og for å gi utbyggjarane rom til å kome med løysingsframlegg. I den pågåande utbyggingsrunnen som vart søkt om i 2013 fekk ein full utteljing på dette, men kor vidt ein lukkast i same grad på ny er usikkert. Det ser ut til å verte større konkurranse om midlane no. Opsjonsområda er følgjande tilhøyrande dei prioriterte områda, samt to sjølvstendige opsjonsområde:

- Kilstraumen, Utkilen og Synnevågen:
 - Ulvøy.
 - Monslaupen og Bakka.
- Leikvoll-Solend:
 - Njøten.
 - Vikane.
- Rebnor-Øksnes:
 - Dyrnes.
- Sjølvstendige opsjonsområde:
 - Nordre Kvalvågen.
 - Leirvåg

Det vert lagt opp til følgjande saksgang: Formannskapet legg utbyggingsplanane ut på høyring, og slutthandsamar grunnlaget for søknaden i 3. juni. Administrasjonen ferdigstiller søknaden, og legg oppdraget ut på anbod dersom ein får tilskot. Formannskapet handsamar som sist valet av tilbod og

gjør eventuelle prioriteringer, dersom det ikke vert økonomisk grunnlag for å ta full utbygging i 2015. Formannskapet vil også ta stilling til eventuelle prioriteringer av opsjonsområde.

Konklusjon

Det vert søkt Post- og teletilsynet om tilskot til vidare fiberbasert breibandsutbygging i tråd med rammene i denne saka.

Sakspartar